

智中外大勢諒亦洞然萬一挾種族成見一旦暴舉事必無成適為功  
狗祖國分裂萬劫不贖或亦慨念同胞不忍出此竊願諸大臣秉鞠躬  
盡瘁死而後已之訓母因謠言自般重門層垣禁衛森列禍機猝起亦  
所難免故此大諸大臣蒞滬其登岸也非故示鎮靜其不登岸也亦非  
懼有意外若以久離 闕廷迅速返京以慰 兩宮廬念不登岸亦可  
返京以後本其聞見懇請 兩宮力加改革舉止坦然禍福不計無稽  
謠言不待禁而其誠自息

### 本館專電

新日使抵京 ○北京十九日專電云駐京日本新使林權助由  
旅順口起行於禮拜日抵京

### 中國要事

練兵處改派留學監督 ○前年練兵處因各省所派東洋留學  
武備各生人數日增非派專員監督殊不足以資管理特選派趙大令  
理泰為武備留學監督近因陸軍留學生不能入士官學校交涉未能  
得手又有某學生密稟練兵處以趙監督遇事顛預不能據理力爭動  
為人所挾制以致事棘手故練兵處就趙令此次來京擬另派差使  
不令再回東京現已改派京旗學堂監督李都戎士銳為武備留學監  
督前接代練李監督本陸軍留學生出身與良副使章監督均係同  
學曾在士官學校卒業於留學情形素稱熟悉定能措施得當云

大連設稅關之地基 ○前報紀外部照會日本政府請按照中  
日條約開放大連並允在大連開設中國稅關一節茲悉日本政府決  
計開放大連為自由通商場故不能在大連開設稅關日本政府屢次  
集議擬准中國在普蘭店開設稅關以抽出入貨稅日內已與外務部  
磋商

查復陸軍各鎮參款 ○李侍御灼華前奏參北洋陸軍各鎮刻  
扣物價由練兵處咨行北洋大臣查明咨復袁官保接准處咨即密派  
陸軍糧餉總局會辦陸似梅觀察安清密赴各鎮認真查辦陸觀察稟  
復大致各鎮所購衣物或由餉局代辦或由各鎮統制自辦其材料價  
值均經督練處驗明核定承辦之局鎮並不能自己作主所參各款未  
免傳聞失實袁官保已據稟咨復練兵處就此了結矣

粵省兵權 ○粵督岑官保以目下地方新政在在急需籌措精  
力已恐不及而練兵尤為當務之急非派專員督練恐一時難觀成效  
前經電商練兵處請 旨簡派嗣由王大臣會商擬派軍正司正使漢  
軍副都統王統制士珍前往而王正使現已派充秋操閱兵處總參議  
目下未能脫身須俟會操事竣方能奏准惟督練專員是否仍歸岑督  
節制抑會同辦理臨時尚須斟酌

衍聖公太夫人親見 ○衍聖公令母彭太夫人到京各節已迭  
誌前報茲悉太夫人已於初八日進宮親見 皇太后蒙賜克食并垂  
詢東省情形及女學堂太夫人一一奏對逾時始退次日又蒙 恩賜  
食物尺頭聞侯 幸頤和園後尚須宣召隨從遊宴云  
義親王到京情形 ○義親王於初十日後由天津乘花車進

京北洋派洋務局總辦蔡述堂觀察件送外務部巡警部堂官及胡芸  
楣侍郎等各率屬至車站迎送義國公使亦率同參隨帶衛隊四十餘  
名列隊奏樂以迎降火車後即借義公使同車入城駐節使署十一日  
乘馬赴萬壽山頤和園游觀巡警部派隊沿途護送並派警官二員借  
步軍統領衙門所派武官在前導引定於十三日 親見因責義王肖  
像外務部特備黃傘赴使署迎接

考政大臣到滬期 ○考政大臣澤公等所乘之法國公司船阿  
曼比力克號已於華五月十八日午後六點鐘由香港起程定本月廿  
一晨可以抵滬

租界外水費 ○滬道瑞觀察照會領事比領事略謂租界之外  
工部局本不能收捐昨因北四川路天葆南林里等處房屋由房東向  
自來水公司裝用水管未經先置本道核示以致工部局向房客收取  
水費稍有爭執茲本道再三體察房東裝用水管以便居民自係美意  
房客利用其水亦有衛生避火之益自應照給水費惟租界內章程居  
戶水費向係加在房租之內按此而論該處水費自應由房東在房價  
內撥付以歸一律業經派令萬福譯官與領事總領事先行接洽以  
後各該處除不用自來水之家毋庸出資外其餘一律由房東照繳該  
自來水公司收納在西人水費不致無着在居民吸飲亦其稱便庶屬  
兩有裨益合行備文照會貴領事總領事查照見復以便出示曉諭

浙江省防前營巡警軍即補參將張寶源稟浙撫文 續昨報  
據受匪首供係杜德勝紹興人此次在富陽縣安分水等縣糾集匪黨約有二千餘人因  
大衆失期致被所敗其身時得替天行道策劃方印黃板綾大令旗二面紅布數方鳳岐山  
空白標布僅備供稱係紹興人由富陽分各縣糾集二三千人向未齊集等語即身死餘  
黨奔散追獲白旗匪首史炳生一名黃旗匪首王恒通一名又搜出黃令旗鳳岐山空白標  
布皆供認道反不諱初八日探有城北十餘里官山頂乃匪徒往來藏匿之地標下會同沈  
令及各員弁四路兜捕獲匪王道士父子羅有勝送案伊稱係大頭目造反不諱情平夫期  
天不如人願等語立即正法伏查該縣紅帶著積十餘年至是如難之潰正宜乘此肅清  
目前兵力城守猶尚岌岌未能遠謀離伴開仗且利而各鄉匪黨極多警信時聞城市均尚  
震閉一面認真防勦理合肅具報備案迫切符命之至等情旋據派查弁勇回縣稟同前  
由據此伏思青紅幫匪詭言日久黨羽甚眾潛匿餘匪隨時聚散此項匪徒為害極烈然據  
衆持械到城意圖攻撲車營僅屬三棚幸杭州府親兵相助守禦將匪擊退當場擒獲匪數  
名餘衆胆落四散奔逃昨聞臨安拿獲亦係新賊匪徒下鄉處死灰復燃波及臨富因札  
飭各哨一律嚴緝戒備頃聞省中業已派隊下縣仰託憲屬匪衆雖多或可從此消滅市面  
人心日來安靜如常除通稟各憲外謹將新賊匪徒獲勝及車營嚴緝各情形繕摺概以  
慰慈慮再前稟初九日在餘杭航船拿獲徐恒山一名復供實係匪黨即小鬼合併聲明

### 各國要事

海將脫罪 ○十八日柏靈電云俄國克耶斯他德軍港已開軍事裁判所審訊對馬  
之役運載波羅的海艦隊司令官受傷之羅的斯凡斯克海軍中將之水雷艦逐艦畢都非  
號投降一案辯護士代稱羅的斯凡斯克海軍中將理當寬釋作為無罪但該水雷艦逐艦  
之大尉克羅尼及其他之士官即當定以死罪繼因被告所聘之律師力爭並言該艦所有  
之人皆應釋放故羅的斯凡斯克海軍中將已脫其罪名云譯文匯報

交收鐵路 ○十八日東京電云日俄兩國委員定於本月廿九  
日即華六月初九日在公主嶺相見以便華六月十二日議交公主嶺  
及長春間之東清鐵路譯字林報  
海將見日皇 ○十八日東京電云英國東亞艦隊海軍提督毛爾海軍中將今抵東  
京觀日皇日皇在宮內賜以午宴譯字林報